



7

~

皇明風雅卷之十一

七言古詩二十六首

題黃文獻公撰盤峰先生墓銘後 許廷慎

盤峰先生有道者弱冠英聲振朝野舒卷心遊海上
雲高風遠激千秋下宋道降至咸淳時玉網一墜難
扶持北騎長驅踐華夏鳳兮鳳兮嗟已而似道當權
肆鷹犬誤國之軀豈勝鸞陰精晝吐白日昏坐使忠
良扼其腕後來文相鉅見救國事已去紆策籌翠輦
南巡竟不返離離木杪悲宗周盤峰山人舊朝士鬢
髮飄蕭欲何俟會歲甘從夷叔遊艸玄羞殺楊雄死

時時舒嘯林谷間，拔劍尚欲屠樓蘭。英雄用武無尺
土，新亭有淚空潺湲。嗟惜哉！先生不可識，兄弟齊名况
難得。百年文獻逝凋殘，往事徒傳墓前刻。節士當時
謝侍郎，飲恨餓死旃裘鄉。兩賢英聲到今在，忠義儼
皦垂三光。丈夫夔屈思養晦，榮華撥向浮雲外。偷生
不與仁義俱，身後清名竟安在。吁嗟出處古則然，撫
卷益嘆斯人賢。何得東行訪遺老，悲歌一吊桐山前。

題餘姚張氏翠竹軒

四明之西天姥東，青山崛起摩高穹。岩翁種竹住其
下，已覺地與桃源通。手招仙人碧雲裏，石室陰陰落

花紫。秋風夜半八上來，洶若滄溟六鰲起。憶昨紅塵
暗江海，金公平泉一時改。冰枯雪死斤斧餘，不意此
君今尚在。拂石彈琴坐碧溪，懸岬峒峒吹雲霓。螭龍
春翻后土裂，皓鶴夜舞青天低。百年行役悲陟岵，軒
中故物誰為主。葛陂變化元有神，白髮淮南夢烟雨。
我家有竹千萬竿，老屋蕭瑟當風寒。浪迹天涯未歸
去，作詩媿此青琅玕。

題行贈王自適先生

三君繪事何絕倫，妙處不減曹將軍。平生閱士千百
輩，掉頭耻貌尋常人。自謂傳神若臨鏡，鏡中形態隨

所定靈臺迥絕塵外機筆法方宏規畫中聖世人靚貌
不覩神英雄往往迷失真漢宮金多醜女好蛾眉忍
使埋胡塵吁嗟此事君所惜我亦念茲心戚戚江湖
迴首方倦遊煩寫閑身伴松石

題林周氏山礬圖

山礬入畫古所少我昔見之倪瓚家問君何處得此
本水屋十月來春花東風著樹香滿雪長鬢滴露金
粟結一枝獨立霜霰餘已覺江梅是同列惜哉此物
知者稀深林大谷多所遺牧豎樵童爾何苦剪伐毒
同荆棘歸林君本是鰲頭客高臥雲間人莫識酒酣

揮袖卷新圖一咲西山眼中碧

題趙撫謙六書

六書變滅同雲霞後有作者誰專家考亭先師肯志
此老弗及為猶嘆嗟君生遠在考亭後執策無從道
何授力窺篆隸著明言百世重是清門胄陰陽垂象
日月懸宮徵迭奏聲相宣神融理得非偶爾旁暢曲
通因自然荒墳斷簡科斗蠹猛雷破石天書露昔人
辨鑿極微茫非君孰得知其故文章與世相推移道
在勿憂知者稀休風一散久當復我已識子窮幾微
時時灑翰寫胸臆巧匠旁觀慘無色短椽掛壁風雨

來古劍騰波百靈泣往代揚雄空好奇閉屋草玄頭
盡絲至理無聞世無補更千萬語今何為趙君趙君
當自惜持此自可垂金石聖賢墜學久寥寥上帝毋
令六丁得

題林盤所學民家歲温日觀葡萄

張顛草書天下雄醉筆往往驚羣公温師作畫亦若
是我知畫與書法通葡萄何来自西極枝蔓連雲引
千尺世間畫者誰最高温師自有葡萄癖當時豪貴
爭邀迎掉頭輒走呼不應酒酣耳熱清興發揮灑始
覺通神靈東家雪練西家帛布地待師師不階芒鞋

踏墨雲海翻滿把驪珠輕一擲百年畫意誰見之破
幅蕭條今尚遺心垢都除入清淨不爾妙悟何能為
憶我携書客淮右大官都送葡萄酒寒香壓露春甕
深風味江南未曾有林君對此心忉忉謂余亦種葡
萄苗何當釀酒二千斛愁來一飲三百瓢

畫馬

曹韓畫馬久絕筆近代作者多駑駘毫端不得千古
意孰識世有真龍媒圖中此馬何所似人言昔產余
吾水一聞高價傾千金更覺雄心少千里雙瞳鑠電
筋拳竒索不可繫胡可咎變化應隨霹靂去死生或

與英雄期消人買骨吁足恠漢武勞師動橫潰豈知
神物在人間驪黃迥出天機外我生愛馬癖莫醫眼
見畫圖神欲飛滎河真種倘可致西坂弱水扶桑歸

放歌行

劉績

銅駝故國風烟慘譜牒煌煌猶可覽軍壁焚燒紀信
車諫臺攀折朱雲檻當時圭組盛蟬聯世澤相承五
百年城中甲第連雲起樓上歌鐘鎮日懸人生貴賤
如翻手萬事紛紛無不有國步艱難徒扼腕世情猜
忌唯鉗口亂離家業散無遺環堵蕭然隱在茲門前
屢揖經漁士眼底不挂屠沽兒十載飄零寄他縣懶
將衣食看人面素裹長嗟無酒錢牀頭却喜留詩卷
東鄰惡少鬪鷄回白壁黃金滿屋堆也知六博無高
手時至君看好采采

大堤曲

春風起大堤歷亂樓前柳樓頭多女兒解勸襄陽酒
襄陽估客足黃金百千爭買女兒心菜羹帳薄鎧光
透翡翠衾重蘭氣深蘭氣未銷鎧未滅合懽交結丁
香結良宵一刻惜如金黃金易擲情難歇前船南裔
去後船北裔來不知粧鏡匣今夕為誰開

送周明德應詔之京師

閭門柳條不堪折，只宜相見不宜別。人生踪跡各東西，半是車輪與馬蹄。把酒送君城北路，曉日鴉啼烏柏樹。一聲歌罷，淚滿巾。僮僕催人上塘去，願為轆轤纏青絲。轆轤可展心，不移男兒出處。自有分與君，那得不相離。官家有程行，莫緩後夜相思月。還滿。

題宋院人畫盤車圖

大車盤盤牽不住，小車碌碌推還去。上阪下阪日千迴，不離太行山側路。吳鹽蜀米塞滿箱，烏犍耳濕筋力強。商人重貨不畏虎，飯牛夜夜宿車傍。妻孥不須念行旅，橐中有金皆樂上。星倉露櫛逐隊行，但願利。

多無所苦道，傍往來多折軸。誰人肯戒前車覆。

題李龍眠畫雪中捕魚圖

唐愚士

玉龍行空不成雨，首觸銀河落秋浦。帝遣神工種白榆，皓鶴飛來老鷗舞。榜兒踏舷依楚竹，不釣齊璜餌荆玉。波寒月黑大星稀，萬斛驪珠豈勝掬。夜闌緘素報麻姑，桑下塵飛海欲枯。何如去作蓬萊主，五城不夜無寒暑。

淮東女兒歌

淮東女兒飲淮水，錦紅纏頭金約指。正年十四十五多，鬢鬢春山鬪青蛾。阿爺自擬似城邑，黃金不多終。

不得西江估客浮大船年年賣珠淮水邊女兒門前
有高樹野鴛沙鷄得長住當筵舞罷結重懽百斛珍
珠馮秋露船空珠盡河水秋門前馬嘶金絡頭舊客
未盡新客留淮東女兒起高樓

題李白對月飲

方孝孺

明月出高樹上懸青天中下有萬頃之長江楊波泛
彩清若空江風吹人色淒凜此時對月誰能寢十千
斗酒何足論舉杯直就花前飲花前飲酒無與儔酒
酣意氣輕玉侯仰招行雲不可得但見月與河漢俱
西流仙人伐桂樹玉女倚璫樓鶴胎暫相悅棄去終

莫留昨日已浩浩今日復悠悠人生如飛光及時不
飲空白頭君不見月中玉兔搗靈藥不能醫此萬古
愁何人醉卧長不醒天地與我同虛舟混沌六合開
浩然何所求

壽徐廣文

胡虛白

丹丘仙人頭雪白玉宇高寒栖不得天目之陽多翠
微却跨黃鶴江南歸山田有林澗有水鹿車同挽青
山裏龐公以安遺子孫足跡不踏襄陽市少微之星
白煌煌直與南斗相低昂東方小兒骨未蛻玉桃親
見三千歲安得左持桃右持觴祝公壽登公堂天

山高四萬八千丈願公與山同久長

芝原為富春馮孝子作

大樹將軍之子孫何年葬父靈山根仙翁騎鶴去不
返但見紫芝燁燁生靈原靈原叢叢一坏土上天應
念兒心苦千年石室發幽光得見靈芝如見父人言
服之可長年安得煉魄隨飛仙芝生在地父在天鶴
歸夜夜山之巔

送黃將軍之天台

渥洼之駒走千里雪花凝寒吹不起將軍仗劍出洪
都南來手挽天河水天河直下東海東扶桑虬枝掛

彎弓旌旗倒射海底日金烏夜啼華頂峰彼州之人
迎我侯此州之人不可留順風吹帆疾如馬碧水蕩
漾芙蓉秋九日黃花一尊酒醉把茱萸當揚柳將軍
自有穀城書勛業傳家應不朽

送海鹽崔彥齡孝子海外尋母

秦川有慈烏故巢遺一鷓烏飛南海去孤鷓繞樹鳴
相呼鳴相呼向何處萬里同天不同樹兒今日夜思
返哺夢中曾識瑯州路願烏來巢庭樹枝驟雨顛風
終不移

黃鵠歌

太液池水清涓涓金衣菊裳下九天建章宮中生紫
烟鳳凰來儀羽翩翩至德廣被千萬年

春愁曲

瞿佑

杏雨調泥隨燕嘴烟重柳條扶不起採香胡蝶掛蛛
絲不惜將身為花死東風入幕動流蘇寶篆燒殘睡
鴨爐綉牀塵積錦機怨巧語誰能憑紫姑小研吳牋
雙鳳翅墨痕濃沁相思字玉釵半脫怕蒙頭寬盡玲
瓏金纏臂

折花怨

雙飛胡蝶翻金粉風裏流鶯栖未穩銀瓶汲水漾漣
漪下階自揀珊瑚枝雖然得入華堂裏未必春光願
如此樹頭花落還結子瓶內明朝抱香死東風一樣
發陽和豈知中道有蹉跎人生輕出棄根本失枝落
節將柰何

故宮歎

金輪夜半北方起炎精未墜光先死青衣去作行酒
人泥馬來為失鄉鬼江頭宮殿列嶙峋湖上笙歌樂
宴安魚羹自從五嫂乞殘酒却笑儒生酸格天閣上
燒銀燭申王計就蘄王逐累世內禪諱言兵中興之
功罪難贖開邊釁動終倒戈師臣函首去求和木綿

庵下新鬼哭誤國重逢賈八歌琉璃作花禁珠翠上
馬裙輕淚粧媚朔風吹塵笳鼓鳴天目山崩海潮避
往事興亡誰與論亭亭白塔鎮愁魂惟有棲霞嶺頭
樹至今人說岳王墳

舊鏡嘆

美人在時對鏡粧美人去後鏡無光玉臺零落白鳳
凰錦囊拋擲紅鴛鴦夜深悄悄聞鏡語何不持掛墳
前樹新人新鏡自相宜舊物荒涼無所依

義士行

鍊金鑄范蠡買絲繡平原逝者恐無知徒用勞心魂
吾聞倉主之祿為主終當同禍福着主之衣為人出
忍作光輝隄矣哉烏江八千軍壯矣哉海島五百人
任安念舊不改轍豫讓報讐須殺身酒不必澆劉伶
墳上土劍不必掛徐君墓前樹感君恩重死相從冥
漠重泉有逢處

題錢舜舉寒林七賢圖

高得勝

騷壇逸響何寥寥作者逝矣誰能招詵然七子美風
度乃有遺像圖生綃衣冠半帶晉季氣人物絕是唐
中朝想當朝事得休暇擬采野景歸風謠青驪黃犢
踏凍雨蹇驢瘦馬衝寒飈醉鞭笑停似按轡吟鐙戲

拍催聯鑣看花多情且少待尋梅有興非無聊此圖
我嘗見十數高林大樹風蕭蕭掃除閑冗存簡素真
明筆老才尤超方之粉墨巧塗染奚止天地相懸遠
尚疑高李六君子當時未見潘道遙道同氣合志相
感雖曠百世如同僚畫師晚出有深意况自昔日傳
今朝屋梁落月見顏色妙處不待窮摹描君不見袁
安僵卧寒正驕王維乃作雪裏之芭蕉

鎮江舟中食魚

姚友直

金陵城中住七月客居無地憐彈鋏扁舟九月出城
東大江秋水如白虹揚帆南下一千里江上人家漁
作市大魚頭尾長過人壚頭香壓梨花春魚賤可食
酒可飲萬事盡付邯鄲松

皇明風雅卷之十二

七言古詩二十六首

吊李翰林

解縉

吾聞學士真風流豪氣直與元氣侔金鑿殿上拜天
 子叱呼寵幸如蒼頭楊貴妃捧硯石高力工脫靴兜
 平生落魄贏得虛名留也曾椎碎黃鶴樓也曾趨翻
 鸚鵡洲也曾棄却五花馬也曾不惜千金裘呼兒換
 取來石酒花間滿泛黃金甌醉來問明月月映金波
 流大呼陽侯出東海騎鯨直向北極遊我采采石日
 已暮潮生牛渚聊艤舟白浪一江雪滾滾黃蘆兩岸

風颼颼我欲起學士相與更唱酬恐驚水底魚龍不
得睡天上星斗散亂難為收草草留題吊學士學士
不須笑吾儕磊落與爾元同儔

盧氏秋夜賦寄王院判

羈懷不自釋中夜卧復起長風吹河聲瀉入茅屋裏
青天高高素月橫露華淒落羅衫輕干將莫邪欲自
見中夜忽作雙龍鳴志士遭逢苦不早遠道憂心急
於擣謾說咸陽與洛陽昨日鶯花今日老我有母江
之南盈簪白髮絲髮參柴門半掩綠樹下落日凝望
情何堪我有弟湖之北雲夢君山萬里隔三月歸鴻

又盡飛相思一字無由得金蘭交契王使君一日不
見心氤氳邇來為別忽三載夢魂跡遍江東雲平生
只欲事高潔骨肉交游總疏絕慷慨臨風一灑然淚
痕滿袖都成血衣袖初乾夜向晨古來忠義多艱辛
江鄉有路且歸去秋風綠水堪垂綸

中秋不見月

吾聞廣寒八萬三千脩月斧暗處生明缺處補不知
七寶何以修合成孤光洞徹乾坤萬萬古三秋正中
夜當午佳期不擬姮娥悞酒杯狼藉燭無輝天上人
間隔風雨玉女莫乘鸞仙人休伐樹天柱不可登虹

橋在何處帝閣悠悠叫無路吾欲斬蝮蛙磔冥兔坐
今天宇絕纖塵世上青霄粲如故黃金為節玉為輅
縹緲鸞車爛無數水晶簾外河漢橫水壺影裏笙歌
度雲旗盡下飛玄武青鳥啣書報王母但期歲歲奉
宸遊來看霓裳羽衣舞

題文山上巳詩後

崕山雲寒海舟覆六載孤臣老燕獄東風杜宇三月
三五陵望斷春蕪綠墨花皇皇五十六寫出江尚愁
萬斛堂時下筆眼如虎日落天低鬼神哭揚帆昔元
儀真船手持熬柱擎南天出關海血灑襟回首

國隨飛烟六宮粉黛黃埃裏漢火無光吹不起全軀
骨學褚淵生嚼舌甘為呆卿死薊門草碧春淒淒高
官不換西山薇哀吟一曲肝腸裂勁氣萬丈蛟龍飛
當年恨殺葛嶺賊恨不剗心食其肉堂堂忠義行字
宙白日青天照遺墨落花寒會風雨時展卷如對龍
虎姿丹拜醉公金屈卮有酒不讀蘭亭詩

前有尊酒行

王備

前有尊酒我為君壽有瑟在筵有螯在手青年既徂
白髮被首於今不樂古人奚有自昔有言俟河之清
人壽幾何云胡不零起舞傴僂側弁以俄弗鼓缶而

歌恐大耋之徒嗟秋露如玉下彼庭綠良夜未央胡
不秉燭東陵死利西山死名在周放達禹稷躬畊吾
誠何暇以論此前有尊酒君須傾

長歌行

有淚莫泣鮫人珠有足莫獻荆山玉赤心徒使按劍
猜至寶翻令咲魚目千金蹈海稱達人五噫出關西
去秦負芻不復遇知己空歌白石南山曾楚婦棄相
復何有於陵其作灌園叟雜縣偶集魯東門惆悵胡
能事杯酒長風蕭騷百草殘長歎悲歌涕洟瀾金臺
駿骨人已化瑤水風波不可攀畏途羊腸能折軸絨

書為謝雲間鵠海上三花久負期醉歸謾託平原宿

短歌行

東風吹花墮錦筵綠楊半暎青樓烟主人自為鷓鴣
舞小妓更奏鴛鴦絃當杯入手君不醉落日已在西
山顛短歌一曲心茫然請看明鏡高臺上何須白髮
悲芳年

怨歌行

絃奏鈞天素娥之寶瑟酒斟流霞碧海之瓊杯宿君
七寶流蘇之錦帳坐我九成白玉之仙臺臺高帳暖
春寒薄金縷輕身掌中托結成比翼天上期不羨連

枝世間樂歲歲年年樂未涯
鴉玄粉白澹相宜卷衣
羞比秦王女抱衾誰賦宵
征詩參差雙鳳裁筠管不
謂年華有凋換楚園未泣
章華魚漢宮忍聽長門鴈
長門蕭條秋影稀粉屏珠
綴流螢飛苔生舞席塵蒙
鏡空傍閑階尋履綦宛宛
青陽日將暮惆悵君恩棄
中路妾心如月君不知斜
倚雲和雙泪垂

君馬黃

君馬黃我馬白二馬同嘶
出南陌南陌東阡夾渭橋
馬行平地似青霄羈金絡
月人皆羨振玉鳴珂意自
驕朝出相隨暮相逐可憐
人馬皆如玉如何與君生
別離君馬東行我馬西欲
知後夜長鳴處羞對駑駘
一萬蹄

凌歊臺懷古

朝發石頭渚暮宿黃山道
携酒眺古臺離離但烟草
憶昔茲臺何壯哉宋祖離
宮臺上開臺前寶樹入層
漢臺下炎歊隘九垓楚山
望盡蜀山出雄跨全吳勢
凌突欲吞銅雀俯中原不
數黃金貴竒骨三十歌舞
宿雲端公子王孫往復還
秦關捷書不再返鼎湖飛
龍誰復攀繁華一旦乃如
此寂寂荒臺秋色裏往事
徒悲禾黍場殘碑半墮滄
江水滄江水流去不迴空

陵劫火變寒灰欲將霸業問行客黃山落日清猿哀

七賢度關圖

熊直

七賢之名奚所徵七賢去國身何輕風沙索漠幾千里道傍見者難為情君不是函谷關青牛白板春晝閒又不是玉門道富貴生還致身早英雄出處貴有時何用驅馳嘆衰老歲晚征塗天雨雪數騎聯翩行欲歇不如灞陵橋上翁破帽吟詩自清絕惜哉命之不奔走半道周人生遇坎墮窮苦奚足左遷與投散逝者良悠悠他人未足說所惜柳與劉天涯相聚一回首往事於人竟何有莫念玄都舊種桃山陰思

溪刺裁柳風流畫史真絕倫毫端點染猶精神玉郎手抱又十載展圖示我勞重陳展圖示我勞重陳此意此畫宜世紳

漁父辭劍圖為胡學士題

梁潛

日落昭關暮烟紫東望吳中一千里江濤怒湧如雪山我無羽翼高飛難感君意氣一回顧度却洪濤心更苦腰間寶劍能言語解贈向君肝膽露丈夫相遇心相知傾情倒意何所疑窮途倉惶足悲慨此去道途猶險巖水有蛟龍山有虎知爾千秋復萬慮還君寶劍慎周防荆門路斷魂茫茫

咸陽古堞

謝貞

咸陽古帝宅雉堞何崔嵬積石隱雪色金銀雲中開
咸陽昔日稱百二函谷鷄鳴客如霧秦王按劍叱風
雷天下諸侯盡西顧三戶蕭條易水空齊歌趙舞入
秦宮龍旂五丈金樓下鳳吹千門馳道中璇霄閣道
通天極仙掌芙蓉正相直月過文窓寶扇移星臨綉
戶粧奩密綉戶文窓拂采霞黃山翠影繞宮斜王孫
挾彈雕臺樹遊女回舟綠岸花花威綉蓮舟陌十
馮朱門色相射玉檢登封貺岳靈金鑪鑄冶銷鋒鏑
風馳萬國奉威聲四夷惕息敢橫行金湯千里扶玉
業猶遣將軍北築城可惜繁華不知秘三十六年如
一日樓船董女望蓬萊王琢軒窓五雲色童女成仙
去不歸咸陽古堞空崔嵬黃雲捲雪城頭路城下行
人嘆落暉

天廐神兔歌

曾棨

天廐名馬不易得鳳臆龍鬣秋兔色圉官廝養十載
餘云昔來自朝鮮國想當此馬初生時蛟龍降精雷
雨垂房星夜墮水盡赤雲霧下繞靈風吹雄姿逸態
真神駿踈促蹄高雙耳峻目光夾鏡炯方瞳汗血流
珠膩紅暈朝鮮得此不敢騎覆以黃毡獻赤墀迺知

天廡盡龍種如此萬疋皆權奇今晨鞞出迥殊絕
從鑾輿自超越朝趨遠蹠交河冰夕秣驕嘶薊城月
君不見驂騑肅霜古亦多老不一試將柰何駑駘無
力枉蹠躐俗馬有肉空嵯峨平生憐爾獨遭遇繡勒
金鞍照瓊署相期慎保不几姿萬里長隨六龍馭
車駕北征送右諭德金公扈從

寒雲慘淡邊城異虜騎憑陵在東北天兵帶甲八十
萬千里長驅如霹靂平胡下詔親出征二月龍輿發
北京東風關塞旌旗影落日沙場擊鼓聲知君文采
金閨彥扈從恩榮總堪羨龍泉寶帶黑貂裘虎韞雕

弓白羽箭前帳前獻俘報捷歸帳中卓傲筆若飛狼煙
乍起雪載路羌笛橫吹霜滿衣妖星夜墮氣蕭索席
捲穹廬空大漠橫行絕域拓封疆直過窮荒叔部落
歸來意氣擅才雄凱歌先進明光宮豈知折衝在帷
幄世上空聞衛霍功

銅爵瓦硯歌

征西將軍蓋世雄睥睨漢鼎驕成功建安天子在掌
握車駕又從轅轅東策勳定爵分茅土赤烏煌煌輝
衮黼鑄成銅爵起高臺繡戶珠房貯歌舞繁絃急管
鳴未終葛汁啖盡金樽空分香賣履恩愛畢西陵落

日生悲風三方昂峙霸圖息玉輦金輿已陳跡冷雨
寒煙滿鄴中惟見銅駝卧荆棘誰憐地老天亦荒宮
瓦散落猶深藏千年劫火煉不化至今出土生輝光
草根藤繞苔蘚蝕鄴中野人初未識臨江太守所得
之此物不應同瓦礫殷勤拂拭重磨礪制作豈讓端
州工鳳池先生真尚古寶此乃與瓊瑰同先生自昔
稱才俊忽見珍奇豁方寸龍香麝臍益光妍玉璽金
輝發清潤翻思淪沒塵土鄉此日還登君子堂奇姿
曾識奸雄面清玩宜親翰墨場君不見漢家諸陵在
荒野玉魚金盃無遺者早悟愚民盜一坏不如燒作

鴛鴦瓦

姚少師所藏八駿圖

周家八馬如飛電夙昔傳聞今始見銳耳雙分秋竹
批拳毛一片桃花旋肉駿疊聳高崔嵬權奇知此真
龍媒霜蹄試踏層冰裂駿尾欲掉長飈迴瑤池宴罷
歸來早絡月羈金照京鎬紫韉飛時逐落花雕鞍解
慶眠芳草由来駿骨健且馴弄影驕嘶不動塵有時
渴飲天津水五色照見波粼粼圍官騎來難久駐飲
向春流最深處珠銜寶勒不敢疏直恐飛騰化龍去
古來善畫豈與韓此畫豈同凡馬看人間造次不可

得首藉秋深煙雨寒

燉煌曲

吐蕃健兒面如赭走入河湟放胡馬七關蕭索少人行白骨戰場縱復橫燉煌將士抱戈泣四方胡笳聲轉急烽烟斷絕鳥不飛十一年來不解圍傳檄長安終不到借兵回紇何曾歸愁雲慘淡連荒漠捲地北風吹雪落將軍錦鞵暮還控壯士鐵衣夜猶著城中疋綾換斗麥決戰寧甘死鋒鏑一朝胡虜忽登城城上蕭蕭羌笛聲當時左袵從胡俗至今藏得漢衣服年年寒食憶中原還著衣冠望鄉哭老身幸存衣在

篋官軍幾時持獻捷

龍支行

龍支城頭暮欲角黃雲蔽天沙草薄虎鬚使者長安來持麾擁蓋邊塵開城門盡是胡兵守城外老人多白首拜迎使者雙泪流問云天子今安否自言家世豐州住少小辭家隸軍成吐蕃昨日犯蕭關胡騎長驅涇隴間將軍戰敗鼓聲絕棄戈遺鏃填立山自從陷沒身為虜五十年来在邊土依樓部落作蕃人生長兒童盡胡語朝看烽火望中原夜聽鳴笳思故園頽垣破屋誰家宅斷磧荒谿何處村奉使還時報天

子早遣官軍復清水假令老身歸即死已免遊魂作
胡鬼

送彭秀才從大將軍英公征交阯 王英

三軍欲雨半成雲疾風吹衣冷如鐵平明師出將軍
行城頭高鼓微叫將軍自昔膽氣豪身經百戰不
諱勞前年破賊平南交奏凱歸來功最高去年從征
斬驕虜今年又向南交去幕中賓從多賢良帳下諸
軍畫貔虎彭生本是西江人少年今作幕中賓拂衣
仗劍來別我慷慨南行思殺身盡船紅樓照江水中
流放歌北風起魚龍吹浪渡三江旌節連雲亘千里

炎州到日暮春餘銅柱山高有故墟金戈鐵馬經行
處瘴雨蠻烟盡掃除榕陰滿地花開遍邊人重覩將
軍面將軍令出聲如鐘詞客吟豪眼如電知君際遇
在斯時會見功成日下歸人生富貴須早致豈是江
南老布衣

病驥圖

周忱

吳興父子俱能畫筆端往往追曹霸當時託意知為
誰惻愴令人傷此馬此馬虺頽未可輕昔陪八駿天
衢行綵雲林籞春如海曾聽玉輅和鸞鳴一從謝病
離天仗骨聳毛焦氣凋喪耻與駑駘競粟芻自甘偃

卧沙丘上孫陽去後苦難逢寂寞誰加剪拂功羈金
絡月復何日頽影懷恩悲晚風古來千金市駿骨况
此精神那可忽飼餼重歸十二閑猶堪萬里奔騰出

漁陽老婦歌

漁陽老婦白髮多去年歸自幹難河自言本是田家
女小小姿容衆推許父母求婚來大都朱門許嫁不
須吏良人系出蒙古部阿翁仕元作樞副當時誤信
媒妁言論財竟作偏房婦含羞俛首半載餘天上兵
來北擊胡百口倉皇夜出塞散入匈奴部落居偷生
強欲隨風土旋縮盤頭學胡語區脫沙中逐井泉琵琶

琶馬上調歌舞豈無肉食充黃梁亦有酥酪爲酒漿
族類不同天性異觸物時時懷故鄉况當夫死子尚
幼風沙易得紅顏醜婦心一片竟誰知絕漠窮荒零
落久前年天子親北征單于納款烟塵清往來信使
無虛月老身遂得離邊庭捉携二子到鄉邑村墟改
變無親戚吞悲暗憶別家時別時十七今七十角尖
高帽窄衣裳半臂珠絡紅纓長兒童乍見皆掩笑元
季都人同此粧今日官家有恩例給與牛羊賜田地
太平衣食足畊桑且保白骨埋漁陽獨惜生來命何
薄虛擲春光向沙漠寄語鄰家窈窕娘早嫁無如故

鄉樂

題蕭侍御贖蘭亭圖

余吉祥

江左風流數王謝右軍辭翰尤瀟灑當時已重東山
公况乃遺流百年下暮春之初天氣新蘭亭觴味無
雜賓乘權紀事興不淺行草半兼書入神要將翰墨
貽孫子百本并書那得似辨才秘此亦痴絕蕭郎得
之何太詭龍顏日角真天人把翫一笑回陽春太平
正須堯舜治底用曲藝勞其神日臨月寫意不足一
戈尚命虞公續待臣自合推腹心醜好何欺魏徵目
鐵冠有柱高峨峨直道事君庸見阿君臣之義同父

子晉陽亦幸揮天戈虎跳龍吟固莫比玉匣區區猶
殉死真迹終翻定武碑墨本至今存有幾畫師貌得
蕭郎事寂寞瞿曇殊失意卷圖得失兩茫然對客且
談貞觀治

夜宿漁家

何起直

青山前頭小茅屋短短疎籬護脩竹江空日落不見
人行人尋傍漁家宿老翁見客辭禮疎白頭倒裹單
紗烏自云鄉村絕沽酒香羹莫煮松江鱸海月流光
照衣濕請君穩睡南邊室細將蒿蓼塞窗櫺莫遣腥
風夜吹入明朝淨洗小漁船送君直到長沙邊

姑惡鳥

陳靖遠

芳池月陰春草碧有鳥有鳥啼不息千聲萬聲道姑
惡粉面低回疾痕落姑惡姑惡姑不惡勉力窓前勤
織作會蚕繅爾縫裳衣一家和悅無怨咨汝道姑惡
胡不思新婦會做阿家時

過鹿門山

薛瑄

西來漢水浸山根舟人云此是鹿門峭壁蒼蒼石色
古曲逕杳杳藤蘿昏亂峰幽谷不知數底是龐公栖
隱處含情一笑江風清雙櫓急搖下灘去

皇明風雅卷之十二

皇明風雅卷之十三

七言古詩一十八首

老将行

張楷

少事武皇親幸時天閑赤驃尋常騎當圍一箭落雙
隼萬口嘖嘖稱男兒天山夜擣單于壘葱嶺朝傾頤
利師琵琶帳底金鑿落刁斗營前鍊蒺藜穰且豈解
知合變孫武何曾識偶奇當時只擬名不朽誓向橐
街懸賊首相如白璧還奉君晉鄙兵符奪懸肘謾說
三徵出草萊誰誇百步穿楊柳運籌不數張文成決
計浪傳陳戶牖長笑廉頗惟善飯也知樊噲徒誇酒

嗟咤世事若浮雲閫外傳宣寂不聞帳下爭趨新號
令道傍誰識舊將軍對客龍鍾羞講武逢人磬折學
談文壁上蟪蛄翳雙劍門前鳥雀散三軍願得子方
憐老馬還同魏尚叙前勛

燕支行

天驕西來如虎雄羽書夜至其泉宮天子授戈金闕
下將軍按劍玉闕東三軍賈勇陰山外萬騎橫行大
漠中腥穢盡除方偃武撓槍未掃不言功傳令三河
收健卒羽林鐵騎爭哮哮何時滅虜方伸氣此日報
讐甘暴骨風雪連宵鼓角悲塵沙卷地旌旗沒漢陳
朝朝連漢雲胡笳夜夜悲胡月飄搖大旆紫金鈎鏃
蹶霜蹄玉面騮迴鞭已搗月支窟息馬還歸瀚海頭
簫鼓營中軍士樂凱歌聲裏虜人愁摧鋒固耻人無
勇決勝須憑將有謀

隴頭吟

玉門將軍秦隴客十載不歸頭半白夜聞隴水憶秦
關曉上城頭聽羌笛笛聲嗚咽送邊愁隴水滔滔日
夜流壯士三千豪氣盡家人翹首望封侯年年虛建
平胡策依舊黃沙隴水頭

田使君美人如蓮花北銜歌

紅羅舞裙千百旋高堂華筵燈下見翻身蹴踏花糝
揄仰身如有俯如無歌長誰能辨番漢左聽右聽只
長嘆芳唇曲眉粧態濃花枝一朶搖芴龍聲高不知
有橫笛袖轉自覺生飄風東迴西迴行已匝忽聽四
筵懽笑合一聲又作塞門秋落鴈斷雲吹颯颯由來
此曲妙通神不信但聞音律新細聽莫將凡曲比更
有餘音當洗耳請君試看北鈿舞公孫大娘豈逾此
輪臺歌送封大夫出師西征

旄頭高高露芒角輪臺夜夜寒光落天子下詔恤黔
黎將軍奉命來安西大營殺氣連天黑胡兒潛遁金

山北營中傳令莫窮征整頓班行自在行北風刮地
黃沙湧角聲一呼大軍動四邊游兵星霧屯中央一
旗為本根橫攔直衝鈎帶闊胡如置兔不得脫料知
此行多苦辛須憑一舉息胡塵他時功成奏天子無
愧麒麟閣上人

燕歌行

陰山蒼莽天山北疋馬橫行期破賊朝廷只合振威
靈醜虜應難假辭色一從奉詔度榆關幾載駘馳沙
漠間只見血流疏勒水不知兵老浚稽山山前胡兒
憤風土羨草甘泉集如雨笳鼓營前可汗歸琵琶帳

底月支舞塞鴈驚秋百州腓玉關萬里援兵稀恨無
劉敬窺胡虜望殺陳平解漢圍莫言虜勢憑凌久款
塞終當効先後毳帳寧當天子尊葉衛定揭單于首
一劍成功世所稀三軍用命吾何有但令塞外田可
畊不貴腰間印如斗古來大將徒紛紛幾人出塞樹
功勛君不見匈奴驚破膽漢家只說霍將軍

古從軍行

十萬全師老邊地春歸計怨長河軍前壯士風霜
苦帳下美人歌笑多白沙高擁如城郭四面野雲天
漠漠磧上三時戰鼓聲山前半夜旄頭落天驕躡踏

孰能避空憶當時李左車可惜青年從召募白頭塞
外未還家

白頭吟

君彈綠綺琴妾賦白頭吟君意都忘絃上語妾詞空
寫心中素昔日還同得水魚今朝忽若經霜樹妾顏
比少未成衰君心已改少年時棄置文鵠逐鷄鶩舊
事盡乖新事宜妾意將君比明鏡一物何曾照雙影
風中柳絮易得粘浪裏浮萍那可定君豈東流去不
返缺月終期有時滿

各東西

天涯別我東君復西行行各自念前路惟有飛塵逐
馬蹄今宵兩下宿何處不識我安并汝苦去日漸遠
路漸長幾夜夢中或相語飛雲上山泥入地一人一
身原自異風吹雲影落泥中到底相親不相棄

吳宮怨

江空月冷天如水銅龍漏咽沉檀苑宮中粉黛一千
人醉眼相看嬌妬起自入朱幃弄翠戶幾番曾得君
王數君心好惡自不常豈在區區歌與舞宮門倚天
鈴索垂凍霜吹老青銅枝玉鑾隱隱背墻去何人邀
得君王歸君前豈無容妾地舊日劍猶存肯終棄

五馬圖歌

劉師邵

渾注水中產龍馬產生之精自天下星奔電掣勢莫
當豈比尋常駕轆者竹批峻耳鐵作蹄雄姿颯沓精
權竒日行三萬等歷塊未許八駿相追隨今觀此圖
凡五匹畫史經營各臻極就中一匹是真龍異質殊
形人莫識滄溟氣含雲霧涼蹴齧碩盼思騰驤神竒
變化在頃刻素壁高懸安可常

五王遊春圖為趙孟頫題

長安城中春雨晴長安陌上春花明廣林大被懽不
足聯鑣更作春郊行東風楊柳青絲裊各色宮袍烏

帽小絨韁不控紫騮閒金彈爭看落飛鳥日晏歸朝
引從官遙瞻天仗五雲端秘懷花萼樓中樂不徇金
鷄帳裏懽一從恩幸華清殿向後諸王少相見霓裳
態逐錦裯迷玉笛聲含鼓鼙然游息都忘弟與兄楊
家姐妹却多情鸞輿倉卒成西幸勤政樓危白日傾
青驪遍歷崎嶇道妖血徒膏原上草歸來舊內總荒
涼骨肉存亡寧復保誰運心機付綵毫披圖把玩憶
前朝周瑜孫策勝同氣全國兼全大小喬

趙魏公畫馬

浚儀王孫善畫馬神妙豈在江都一朝退從容白玉

堂意匠經營自揮寫我觀此圖誠偉哉清光夾鏡雙
瞳開古來駉驥不易得此疋乃是真龍媒尾如流星
汗成血萬里飛騰宜電掣長風颯颯生四蹄百丈層
冰蹴應裂雄姿眼底苦不多時燕伯樂奈爾何駑駘
伏櫪飽芻豈坐使神物成蹉跎君不見才高往往困
泥滓世上英雄亦如此

送王生之錢塘

蘆荻花飄風乍起群鷗飛盡寒塘水江邊行客黯消
魂鄉園只尺成千里黃頭櫂郎催理裝銀瓶酒瀉笑
蓉香驪駒一曲歌未徹帆影低迴懸夕陽樟亭回首

青山莫潮聲正滿西陵渡江南江北思依然野色蒼
茫際烟霧朽臺啞啞啼曉鳥亭闌欹枕情何如江中
鯉魚雙尾赤殷勤好寄平安書

去婦詞

童軒

刺從復刺從出門不敢分明哭憶初凝小嫁君時自
謂生死長相隨誰知中道生乖阻棄妾紅顏不如土
弓鞋窄小荆棘多掩泪行尋舊時路浮雲上天歸有
時君心一失那能回糟糠不忘如再好重磨荆釵與
借老

燕歌行贈徐七遵誼

黑雲黯黯陰山北跨馬長征殺胡賊腰間寶劍懸吳
鉤寒光閃爍青蓮色一從仗劍出蕭關幾載風塵瀕
洞間鐵甲戰酣青海月羽書飛捷白狼山論功日合
分菲土猶向軍前朝沐雨可憐白首困窮荒虎帳何
人日歌舞滿地腥風血色腥輪臺萬里居人稀胡兒
吹笛朝出塞壯士橫戈夜突圍從戎却念辭家久數
奇尚落他人後一聲寒角秋風鳴望鄉幾度頻搔首
男兒離別何足嘆才器如君世稀有闔外會有推轂
時肘後黃金印如斗玉門胡騎去紛紛更上燕然勒
大勳君不見匈奴多繫頸至今猶說衛將軍

再和燕歌行

黃榆白蒿連塞北眼底穹廬皆虜賊屯空殺氣連雲
飛壯士相看失顏色元戎奉詔玉門關錦帳牙旗壘
陣間獨把一麾專節鉞傳能三箭定天山單于生長
樂邊土繞帳牛羊牧秋雨閑中聚唱涼州詞醉後起
為胡旋舞魚龍川頭古樹腓紇干山前飛鳥稀紫髯
胡兒眼雙碧大腹匈奴腰十圍徐君遠戍邊庭久况
復東海簪纓後伐敵能誥虎豹韜次功應位麒麟首
憤時氣節人不知唾手功名今未有秋清長劍倚南
夜半孤城臨北斗莫言白眼衆紛紛佇看高垂竹

帛勳君不見鄴侯知國士登壇終拜大將軍

卞和燕歌行

攬槍夜射飛狐北虜騎千群來寇賊驚沙莽莽黃入
天笳鼓連營慘秋色大將排營列漢關雕戈畫戟指
揮間旂搖大棘城邊月箭滿邗連雨後山成卒年深
皆著七慣識軍情耐風雨誓酬報國慷慨心肯學當
筵渾脫舞八月清霜百草腓殷檉幾樹暮鴉稀南山
射虎風鳴鏑大澤呼鷹雪打圍桓桓驍勇從戎久競
取功名惟恐後橫槊長歌孟德詩請纓生繫賢王首
交河大小百戰餘鐵券丹書尚何有牙旗虎影凍

皇明風雅卷之十三
風匣劍虹光夜衝斗被堅執銳亂紛紛咆哮橫行策
異勲君不見田單能用命援桴一鼓奮三軍

月風雅卷之十三

皇明風雅卷之十四

二言古詩一十六首

自寫松泉圖題以寄意

張寧

若欲窮黃河源星槎虎符行路難若欲登蓬萊山列
仙真宰當玄關勁風弱水不堪即飄如落葉辭柯還
故鄉迢迢滄海曲十里青山一茆屋山下泉聲日夜
聞山頭樹色陰晴綠樹色泉聲春復秋歸雲過月共
悠悠乾坤遺我古來物世間萬事皆浮漚間時倚望
終晨夕轉眼光陰真頃刻勞逸悲歡各自迷千古浮
生如一日如一日無窮期醉人已醉醒人知涼風蕭

蕭吹髮絲松烟竹露含清滋高山流水從前意綠綺
無絃彈向誰

趙松雪昭君圖

白登圍急神龍驚風雲變態和親成爾來一百七十
載漢宮幾輩匈奴行橐街懸頭郅支斬呼韓欲落單
于膽自陳欲作漢家壻故事相沿應不遠掖庭待詔
方少年玉顏花貌當三千征夫不復顧鄉井天子豈
肯私嬋娟誰言粉黛能傾國淑女從來無媚色琵琶
再上莫臯絃畫圖莫恠毛生筆往事悠悠已若茲佳
人一去古今思共憐青塚蛾眉怨不記烏孫公主詞

一笑山琴月盤倚醉石

迢迢鬱林州渺渺夫餘國截斷洞庭波蒼茫古顏色
空亭懸磬白日孤四無完壁生蘼蕪殘刑敗紐鐘鼎
破稜層斷骨蛟龍枯不堪元亮眠不下元章拜醉來
半倚醒半憑側對青山不相礙彈琴聲益清候月影
先在空山寂無人兀立如有待昔為誰家物今為吾
所愛今來古往復幾年問石不語心茫然失亦不足
悲得亦不足憐世間萬物皆暫有大夢未覺爭媿妍
李文饒牛僧孺愛物何同愛身異門關進退互不持
縱有珎竒焉足計載鼓汾亭操載謠謫仙詞青天湛

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

湛知音少一曲秋風兩鬢絲

烏棲曲

烏柏樹上夜烏栖黃茆舍裏曉鷄啼鷄啼未了烏飛去錦帳佳人不知曙

襄陽樂

襄陽女兒夜行遊牽衣把袂大堤頭歌聲未歇咲聲起唱處無情聞處愁珠璫玉佩搖春綠北渚南湖相問屬至今荆楚宦遊人猶唱襄陽大堤曲

常林歡

桃林花落臘脂香宜城酒熟瓊珠光峴山漢水時來往歡意不及常林長晨鷄唱歌啼鶯曉錦薦牙牀春睡好天寒日暮未還家夢中猶怯荆蠻道

江山曲

採蓮休羨雙併行遊女綽約朝雲輕陽春和窻吹鳳笙吹鳳笙奏龍笛按秦箏鼓趙瑟

張靜婉采蓮曲

蘭橈桂棹橫江浦玉露金波花正吐蓮步初從掌上移柳腰新罷盤中舞腰纖步窄不勝衣霧縠烟銷颺欲飛雨歇朝雲降巫女月明秋水現湘妃蓮房已實蓮莖短幽思傷心悄停腕弱腹羞看翠裾圓柔腸暗

逐水絲斷眼前歌舞易淹留只恐風光不到頭翠袖
香銷紅艷冷無人重上採蓮舟

短短牀二首

岳正

短短牀太蜀促徒能坦郎腹未得展郎足縱郎有意
為合懽牀短安能薦郎宿

太蜀促短短牀流蘇苦不長蘭麝無馨香郎欲招妾
妾不來可憐春色無輝光

古梅折枝歌

沈周

猾蛟不肯居西湖穹窿山中替作都千年雜與草木
處土膏沁骨蒼皮粗雪中戀姦凍欲死老腊又仗春

風蘇今年苦遭斤斧厄左股割落從樵夫幽靈暗泣
天亦黑卜斛清泪含明珠抱材肯受爨下辱失勢豈
分溝中汗得歸韓休亦天使何啻拔青珊瑚挑回
巾上駭衆目兒女爭看來喧呼還疑神物有變化白
日閉戶防逃遁金繩兩道鎖紐壯禁止更插碧玉壺
主人尚恐莫長守請我寫作流芳圖高堂雪壁照清
影此屋此圖何可無

題畫寄楊提學應寧

我隨草木生長洲索居自耻無朋儔於公辱知亦既
久十年茂而無時酬尋常開械見諫議言語亦得通

網繆終然玉樹隔眼物碧雲明月心悠悠適來宦轍
道系梓老臂無翼從之遊仙人可望不可致聊以遠
夢尋丹丘夢空人遠相憶在因爲江山消我憂寄公
高堂我借拜一日素壁開清秋

題子昂重江疊嶂卷

王孫無運開英雄聊寫江山藏畫中還從慘澹見舊
物似有涕泪含孤忠長篇禹貢與作稿一圖萬里連
提封張韓劉岳果何功入關蕭相將無同王孫本號
松雪翁能事錯忍營丘公丹青隱墨墨隱水其妙貴
淡不敷濃縈灘曲潁導巴蜀杳嶻嶭長巒連華嵩空濛

野馬軋雲日浩湯碧穀吹秋風王孫隔此不可從水
晶雙闕金芙蓉招之千年或一出黃雀豈不思江東

絡繹詞

張弼

絡繹不停聲從昏直到明不成一絲縷徒負織作名
蜘蛛聲寂寂吐絲復自織織網網飛蟲飛蟲足充倉
事在力為不在聲思之令人三嘆息

假髻曲

東家美人髮委地辛苦朝朝理高髻西家美人髮及
肩買粧假髻亦峨然金釵寶鈿圍珠翠眼底何人辨
真偽天桃牕下來春風假髻美人歸上公

禽言

得過且過飲啄隨時度朝暮得隴望蜀徒爾為未知
是福還是禍得過且過

皇明風雅卷之十四

皇明風雅卷之十五

七言古詩一十六首

花將軍歌

李東陽

花將軍身長八尺勇絕倫從龍渡江江水渾提劍
羅馬走平陸敵兵不能逼主將不敢嗔殺人如麻滿川
谷徧體無一刀鎗痕太平城中三千人楚賊十萬勢
欲吞將軍怒誅縛盡絕罵賊如狗狗不信檣頭萬箭
集如蝟將軍願死不願生作他人臣鄰夫人赴水死
有妻不辱將軍早門將軍侍婢身姓孫收屍葬毋抱兒
走為賊俘虜隨風塵寄兒漁家屬漁姥死生已分歸

倉旻賊平身歸竊兒去夜宿陶穴如生墳亂兵爭舟
不得渡墮水不死如有神浮槎為舟蓮為倉空中老
父能知津孫來抱兒遠行在哭聲上徹天能聞帝呼
花雲兒風骨如花雲手摩膝置泣復嘆雲汝不死猶
兒存兒年十五官萬戶九原再拜君王恩忠臣節婦
古稀有顯粹尚是男兒身英靈在世竟不朽下可為
河嶽上可為星辰君不見金華文章石室史嗟我欲
賦豈有筮半力回千鈞

謝方石惠石碁子

天台山直回東走海結為方巖石磊磊仙人巨斧劈石

碎斲出象碁棋三十二猶恐世人不識雲篆書刻作面
京後來字米填墨馬部類分坐開兩壘成三軍峩藏
尚帶烟雲氣變化或驚蛇鳥群仙人白頭朝帝閣持
以贈我同瑤琨空室無人石枰總曾病骨先秋覺蕭爽
杜陵畫紙那可著天餘冷玉差能彷彿君不見越山老
樵枯木柯看時渾少別時多世間成敗等局戲何必
燕然刻石尚巖峨不如坐共一枰晚仙人不留將柰
何吁嗟乎仙人不留將柰何

荷警圖為薛御史作

秋山次寥秋水闊一夜天風起蘋末萬籟凋餘錦樹

空繁花落盡紅衣脫鷓鴣鷓鴣俱無聲沙邊白鷺如
有情幽禽相吐落日暝尺鯉下避寒潭清寒潭直下
幾千尺落羽回波共簫瑟獨立遙憐海嶼青低飛不
礙江雲白詩家畫格還相宜却憶江南初見時雍陶
池上風雨集麻十詰田中烟火遲吾生頗似巢籠鳥十
年塵土長安治萬里滄浪一片秋安得閒身此中老

題朱儀中雪雨二圖

洛陽城中一文一雪洛陽先生被如鐵洛陽令尹呼始
醒足不可出骨可折誰為此圖圖者誰深山月晏啓
關遲呼童擁篲亦多事安用掃此門庭為前山無樵
溪不釣獨坐空林發長嘯鴉鴉飽肉鷗鷺飢歲暮苦
寒空自知世人厭寒爭附熱此景蕭蕭向誰說炎涼
翻覆如畫圖圖中之人今有無

菰叢蒼蒼集煙渚山頭濕雲半為雨垂蘿繞屋不覆
墻石燕林鳩似相語桃花落盡梅子黃南湖北邨俱
茫茫黃泥道路白頭浪知是江南煙水鄉長安溽暑
秋過半雨濕書牀盡糜爛三年詩逋坐盈案拂若畫
圖為君歎閉門覓句無人催呼童卷送休徘徊君看
白石最深處紙背猶濕青莓苔

東山圖

謝公昔卧東山麓山中無日無絲竹美人笑捧如花
顏飲酒賦詩歡不足古來同樂必同憂公能不為蒼
生謀征西司馬亦何事猶使桓兵窺上流賊兵在郊
公存聖天下江山局中賭老温病死強秦奔一代功
名荷天與太平宰相休云云清言非罪還非勲四郊
多壘一身樂吾憶冶城王右軍

米元章拜石圖

南州恠石如竒士士有好竒心欲醉平生兩膝不識
地石也受之無色愧着袍擁笏當石前禮而不答貌
益虔呼為石丈文不語回視諸峰盡兒女當時觀者
笑且嗔眼中見石不見人嗟君好潔已成癖無乃冠
履沾泥塵古來玩物必喪志况爾物役忘其身惟石
巖巖瞻赫赫一州雖小寧無民宋家只合米博士誰
遣出刺無為軍君不見漢家留侯拜黃石石亦可拜
不可昵下載英風石並高猶憐誤落神仙迹

風雨歎

上辰七月壬子日大風東來吹海溢峰嶸巨浪高比
山水底長鯨作人立愁雲壓地濕不翻六合慘澹迷
乾坤陰陽九道錯白黑烏兔不敢東西奔里人蒼黃
神屢變三十年前未曾見東村西舍喧呼遍牒書走

報州與縣山厓谷洶豺虎嗥萬木盡接乘波濤洲沉
島滅無所逃頃刻性命輕鴻毛我方停舟在江臯披
衣踞床夜復晝忽掩青袍涕雙透舉頭觀天恐天漏
此時憂國况思家不覺紅顏坐凋瘦潼關以西兵氣
多胡笳吹塵塵滿河安得一洗空干戈不然獨破杜
陵屋猶能不廢嘯與歌世間萬事不得意天寒歲暮
空蹉跎嗚呼柰爾蒼生何

靈壽杖歌

吾聞武當之山四萬二千丈半在天根半天上不知
三十六宮何處稱絕竒產出靈株非一狀蛟螭蟠拏

露瀝頰角熊經樹巔虎山脚根盤節錯相糾纏含屈
雪經炎寒九年洪水之水浸不殺十日之日暴烈何
時乾梯懸磴接跬步不可上誰采青壁紅琅玕見之
羨者不容口錫以嘉名曰靈壽爪之不入行有聲金
可同堅石同久吾家此物舊所有神與相扶鬼為守
自從病足跛曳不得前已覺山林落吾手一病經旬
不出門手中此杖嗟猶存下牀歌側立不定此時託
子以為命不願四體無微痾但願謝病歸山阿左扶
右策夾以二童子下可涉園徑上可凌坡陁願栽萬
本截萬枝窮崕陰谷生森羅靈兮壽兮此物倘可致

直遣四海赤子頭雙瞠

蘭棘圖

謝鐸

清晨起誦離騷經撫心耿耿殊未平于嗟世道此升
降忠良廢死讒佞行幽蘭胡為伴叢棘利刺孤芳恐
難敵於乎湘君有靈如可干莫遣彼棘侵吾蘭

古木寒鴉圖

懸崖老樹如懸藤虬枝屈鐵相峻嶒陰風晝號不作
雨眾鳥辟易爭奔崩寒鴉何來色悲壯兩兩枝頭屹
相向仰參寥廓失狐疑熟視烟雲欲狼抗有時飛上
朝陽殿許身願逐雕梁燕朝陽老鳳噤不鳴鶴種

鴉
鷓紛斥譴君不見江都日暮楊柳花至今腐草羞

石鎮紙次韻谷西涯

鄭老耽書屋堆葉撼屋風來少停疊誰其鎮之石作
山未數玉蟾臨晉帖平生頗恨昌黎翁論功不與毛
生同賞不酬勞翁所歎此石合封為鎮東輕重何年
失其制左右低昂任人意石也何心亦徇時區區用
舍非吾致乃知天下本無事庸者擾之真局戲清淨
曾收百戰功紛更枉作三經字不然稜角消且磨和
光自說平不願南山不崩石不爛此道落落今豈多

持之贈若衆所笑感君意氣相唯阿傳家什襲比至
寶於乎石也吾如何

歎別者

張泰

落葉分飛渡江島江上離筵對秋草千觴不滌寸腸
愁強作壯顏心已老一夫從征邊海頭三千賓客無
能留在家莫笑行者苦門風易樹身難謀君不見金
瓶玉椀人皆愛東鄰買取西鄰賣又不見華棖廣廈
交光輝前主拋遺後主誰人生少作子孫計千里萬
里難相隨

擬古

羲和鞭六龍騰東轉南倏西頽縱今三百六十五夸
父更勞迭步追不回遂令風塵間易老英俊才欲揮
補天手五色雲深天不漏欲掉下齊舌一統江山無
片裂况乎雷霆壓面虎豹跋躩摧心鬼未敢揚眉向
天說鼎湖龍已飛蒼梧鳳空啼結繩垂裳在何許瀟
湘洞庭波渺瀰我欲臨江弔千載一葉因之弄雲海
焉能夕曠三山期坐使朱顏為秋改

上西山

大行東來少平地連峰疊嶂環中州鯨禹神功鑿不
斷直使黃河水從天外流大方何寥寥萬象皆不拒

中有不竭之泉上有無名之古樹下則雄根磅礴壓
折巨鰲足地祗瞻之色應懼不識西溟胡佛復何似
似與山靈有私契乃以百億河沙幻化之詭形散入
山中五千寺青獅遊白象舞考鯨鍾伐鼉鼓魔王鬼
女群戲烟霄間恍惚金仙列入游淨土布施金界莊
嚴寶宮釋子驕樂下民有窮我縱茲游道不同試上
絕頂憑鴻濛撫掌長嘯豁兩瞳梵恠滅沒逐飄風但
見雲閒萬山靜水遠諸天空盍歸乎來哉誰能出此
人區中咫尺神京帝攸宅王氣盤回摩劫石孰云皇
穹設險限絕華與夷陛下威靈蕩無極竒觀古跡慎
勿殫力攀待扶日轂臨八寰願君千秋萬歲壽永有
乾坤萬里山

咏雪二十韻

五年不踏燕京凍江南大雪知誰送無乃青皇厭世
氛預遣阿騰施廣幪萬瓦齊鳴霰先集八荒一彤雲
不縫勻勻滾滾來陸續密密踈踈孰操縱欲墮不墮
終有着似堅非堅竟何用平鋪壞砌不沒并厚冒窮
簷疑撓棟魚沼宜深喜融集花根愛暖嫌堆擁團團
廢礎盛細糕葉葉低筠擘新粽場跳戲犬苦相賀林
滯飢禽時一啜培塿皆如蜀嶺排郊園畫學監田種

老木鱗張矯欲騰峭峰圭立高難貢宦路誰將比純
潔幽人自足耽清夢衣纒應長胡奴驕削面堪憂戍
兒痛燥咽不妨多啖食彊指那能久擱弄倒映重玄
助陽景斜投古壁填陰空酷逕人踪想稠疊詩家物
色尤增重暖酒頻教吹地爐烹茶郊省操汲甕朝凌
筆格催我吟夜晃書帙伴孤誦力排陳腐述冷語裁
製粗踈頗含諷苦調非同郢客詞一笑從教和人衆

皇明風雅卷之十五

